

明

詞

綜

明詞綜卷九

青浦 王昶纂

錢澄之 一首

錢光繡 一首

季孟蓮 一首

賀裳 二首

李燁 二首

王翊 一首

沈自徵 一首

沈際飛 一首

姜實節 一首

錢士賁 一首

杜濬 一首

紀昀鍾 一首

陸嘉淑 一首

韓純玉 六首

周 質 六首

朱茂暉 二首

孫紹祖 一首

顧朝楨 一首

顧志 一首

裘昌今 一首

張草 四首

錢澄之

字飲光初名秉鐙桐城人有藏山閣藁田間集

鶴冲天

題蕤敏小像和葆喬原韻

雲沙月渚夢裏曾遊處春草夜來生催佳句爲金門待
詔摠交付漁家住賴詩朋酒侶唱和新聲譜入舞中歌
亭扁舟曉暮難趁秋風去覓取故鄉鱸和煙煮又飛
觴刻燭且同聽燕山雨吾衰心未許扶醉追歡不減舊
年情緒

錢光繡

字聖月
寧波人

臨江仙

春情

酒國投時輒醉硯田荒久慵耕不堪落葉兩三聲病從
秋後減愁向雨中生拊劍還歌白石焚香閒展黃庭
徘徊山寺又鐘鳴鴉啼歸曉樹蛩語伴疎燈

李孟蓮

字叔房無
爲州人

滿江紅

春情

燕子何時啣去了舊年人約鎮簾櫳恹恹春睡東風徧
惡夜雨忽添窗外草曉晴亂惹樓頭鵲算贏來一段好
相思何曾學而今事當初錯別時淚空流落怕歸來

重問有詞難卻天遠夢隨驄馬倦晝長人並風箏弱望
河橋萬柳織黃煙愁遮幕

賀裳

字黃公丹陽人有紅牙詞一卷

王阮亭云紅牙詠燕詞斜日拖花微風撲絮不獨措語之工正如柳塘花塢之詩讀之便覺春光聯宕彭羨門云紅牙一集其刻劃迷離處西陵松柏北里菖蒲屢遭縷絕宛然在目鄒程村云余過金閨拓庵爲余言黃公少時風流倜儻在青樓桃葉間大有生話醉花陰卽事入之北里志中猶令讀者想十四樓風象也

蝶戀花

暮春

薄暮銀塘風色靜閑倚雕闌自賞娉婷影一簇芙蓉相
掩映唾花落處游鱗競女伴潛呼渾未醒橫塘迴波

纔訝紅粧並飛盡殘霞天又暝柳梢笑指新懸鏡

漁家傲

曉別

啼罷荒雞衰鴈接熒熒寒炤窗猶黑欲別重將酥手執
行又立門前瘦馬嘶殘月 遞得金鞭紅袖濕回頭已
被疎林隔獨倚高樓看去轍鈴音絕纖腰憑久雕闌熱

李

焯

字赤茂
嘉善人

浣溪沙

修竹天寒倚翠娥鴛鴦霜重鴈聲過更長無寐倚雲和
桃葉渡頭頻問信石尤江上怨風波人生憔悴是情
多

南鄉子 感懷

談笑解吳鉤客滿西園花滿洲記得河橋分手路悠悠
哀笛山陽幾度秋 瀝落向神州極浦遙天不盡愁花
月春江渾是夢休休老作人間馬少游

王

翊

字介人嘉興人布衣有二槐堂詞

陳臥子云介人詞有俊逸之韻深刻之思與昇元父子汴京諸公聯鑣競逐何得有下駟王適人云余兄介人專習詞集必備諸調調復備諸體二槐堂稿遂以千計迨遭盜盡沈之江身亡無有存者余兒援聞鹿城何太初有選本求得之乃十之二三也陳大樽序之余梓之以俟世之閱者

水龍吟

落花

春陽恰照空園曉鶯啼倦殘紅冷芳魂無據冰簾斜撲
亂拋芳徑力弱絲遊心疎蝶過召還煙景問餘春未遠
悠揚何事依然就風中影 門外晚寒猶逞正無聊斷
腸人醒新巢燕子啣來尙濕小樓初曉露重晨留泥香
夜葬沾衣微省更一溪暗水吹成罨畫繡萍千頃

沈自徵

字君庸
吳江人

朱竹垞云沈氏多才自詞隱生環訂正九宮
譜爲審音者所宗君庸亦善填詞所撰鞭歌
使湘亭秋諸雜劇慨當以慷世有續錄鬼簿
者當目爲第一流

鳳凰臺上憶吹簫

閩古今名媛詩集

霧鎖春風煙埋秋月一生心事全休恰雨窗弔古檢點

鷺儔多少名姝珠淚虛染就錦筆銀鉤傷情處金環不見玉葉空留
擡頭斜陽荒塚原來是綺閣粧樓悵塵緣雖破夢境難收說甚裁雲好手也幾度驚徹雞籌沉吟久知音罕嗣若個能酬

沈際飛

字天羽
崑山人

虞美人 春晚

堦前嫩綠和愁長坐憶眠還想花紅破夢似相憐起望
小林殘夢損容顏雙鷺又向愁人絮春也知歸去個
人只是不思家生卻楊花心性落天涯

姜實節

字學在
萊陽人

臨江仙 紀遊

夢斷羅幃春睡淺，小樓風竹頻敲。溪流一曲抹山腰。雨香初拂柳，日氣漸烘桃。笑解金龜同買醉，故人雅集金宵。蘭詩量酒興，還饒曉鐘齊女墓，殘月大姑橋。

錢士賁

字巖獨
嘉善人

行香子 溪上

桃浪溶溶絲裊晴，空喜盟鷗。獨自攜筇，春衣催浣試付奚童。見苔痕染酒痕，漬墨痕濃。水流雲去，相看無盡。愛吾廬近隔溪東。晚厨煙翠歸步，從容有柴桑柳，輞川杏漲西松。

杜

濬

字于皇
黃岡人

浣溪沙

紅橋卽事

曲曲紅橋漲碧流
荷花荷葉幾經秋
誰翻水調唱涼州
更欲放船何處去
平山堂下古今愁
不如歌笑十三樓

紀映鍾

字伯紫
上元人

風中柳

春曉

春盡荒城白水溶溶一片小橋橫
綠楊如線幽禽罷浴相喚平沙軟
晝偏長凭闌人倦朱輪寶騎儘與年光
流轉問王孫歸期何晚連山芳草遮斷
天涯面悄悄冥冥

珠簾頻捲

陸嘉淑

字冰修海寧人諸生有辛齋遺稿

漢宮春

客中九日

極目平蕪見疎林蕭颯遠水瀾漫舉頭一聲衰鴈別淚
空彈秋容慘淡但心傷行路艱難何況是重陽時節大
涯風景淒然長恨征途憔悴嘆敝裘風雨疲馬關山
爲問故園黃菊知有誰看風吹破帽漫憑高一醉尊前
渾未解遠遊何意白雲回首江天

韓純玉

字子蓮歸安人有蘧廬詞一卷

虞美人

一簾花影春風夜月到
薔薇架綺疏一半晚猶開只爲
畫梁雙燕未歸來
挑燈約莫黃昏過猶自薰香坐星
河耿耿傍闌干畱取小窗相對晚妝殘

浣溪沙

手捲蝦鬚上玉鉤
疎簾急雨下梧楸
韶光生怕付東流
紅葉窗中無俗事
白雲鄉裏有溫柔
好畱雙鬢莫教秋

菩薩蠻

夏日訪潘子見歸舟作

夾山一帶山平遠
湘溪問字歸家晚
荷氣晚來多斜陽
雨半簑
吾生何所寄
泛宅浮家去
菰水碧於天
孤舟

獨往還

清平樂

春來消息早過三之一乍暖餘寒無氣力二十四番風
念日長花事相宜只愁開到荼蘼偶向晴窗弄墨拈
詩又是無題

小重山

和稼軒韻

萬頃玻瓈水接空雨霏煙笠下一漁翁荷香斷續柳西
東秋光好兩岸插芙蓉十里水晶宮有時隨浪去笑
兒童三秋幾陣鯉魚風斜陽外沉醉荻花中

江城子

同司馬公

卷之六

眉峯煙鎖未分明過秦青恨零星一樹櫻桃微雨夢難醒月在當頭杯在手愁似海摠填平春宵三五好心
情繞紅亭笑聲盈促席傳觴倚醉聽撈竿嫌煞銅壺銀漏短香炷燼燭花橫

周

箕

字青士嘉興人布衣

生查子

切切亂蛩悲暗與羈魂語深夜苦懷人臥聽芭蕉雨
煙霧障林巒秋夢行何處孤鴈落西風聲咽寒蘆渚

又

徑轉翠屏開一片茶蘼雪不待晚妝成自下香階

鶯是故園鶯月是當時月誰分比來心祇覺看承別

踏莎行

蘆月凝霜蕉風作雨飄飄葉落梧桐樹蛩吟底事動哀音不知人在愁深處
鶴怨空鳴鴻孤遠度傷心又被秋光誤怪他有夢不歸來雲山豈礙魂歸路

蝶戀花

芳草生煙橫野渡綠到春山山色深於樹離恨年年紫別緒桃根桃葉秦淮路
眼底韶華容易度燕子斜陽說與歸期誤婪尾餘花春已暮柳絲不解牽伊住

東風第一枝

春日

南浦拏舟東郊列幕中
旬準擬攜酒恁教壓雨欺煙幾
時小桃紅透魚牋訊遠要修禊
山陰人舊倩好風爲埽
苔茵池水儘他吹皺
更明日垂楊繞堠
早今日芳蘭密牖麗詞一曲歌成那等雪兒繡口無多春色總莫負
燕前鶯後可憐是幾個黃昏多半憶君時候

又遊峽山

六寺煙深雙峯黛冷嬉遊時際暄暖曲塘畫鷁參差
來荻芽沙淺嬌春羅綺映綠淨波紋吹軟儘瘦生掌上
誰擎漫認倚風輕燕
簾乍捲垂楊拂眼門半掩小桃
窺面歌雲日趁新妝淚竹幾巡古苑微茫林角掛一珠

殘楊如線怕後遊晴雨無憑有約也應難見

朱茂調

字子容秀水人諸生

驀山溪

雲藍小袖約素隨堤柳翠黛遠山橫描不就一雙眉秀
嬌波明盼著處更畱人情初逗盃殘酒雙陸垂纖手
芳心半有玉紐教郎扣不道解相思恁花枝爲誰消瘦
幽窗曲檻燈火二更餘歡未久宵空負那正歸時候

選冠子

聞秋蟲有感

半枕畱寒一簾凝露四壁秋蟲愁聽淒其訴月斷續吟
風不管孤眠不穩還似初離別時絮語喁喁柔情耿耿

助幽懷作出悲涼情緒伴他長恁
記那日步襪宮簷
蒼苔移印寫盡梧桐清影迴廊笑織曲檻鳴絲攜手紅
樓嬌俊誰分今宵對伊荒館敗籬喚人孤另歎行雲何
日重逢枉憶露臺玉井

孫紹祖

字君裴嘉善人諸生

謁金門

春雨足香嫩枝頭微綠渭水清清寒漱玉客來茶正熟
午倦不堪重讀點就乳花飛瀑七碗可人涼氣蕭蕭
蕭風助竹

顧朝楨

字以寧有匏園初集

菩薩蠻

次爾斐韻

籠煙弱柳絲如帶
鶯梭織就朱闌外
芳草意綿連
王孫醉欲眠
新蘿蔭古壁
牛背斜陽笛
杜宇月三更
淒清分外明

顧

志

字有英
有暉吉堂稿

生查子

臘梅

幽香度月遲
瘦骨凌霜老
瀟灑自天然
驛路花開早
從教纖手栽
眉黛晨粧巧
獨有歲寒心
別笛聲吹曉

裴昌今

字梅倩有
書仙閣詞

醉花陰

雨夜

窗前疎雨冷瀟瀟銀燈暗復挑斷腸清漏永聲聲葉上
滴碎可憐宵半間衾枕轉無聊相思興復饒楚天人
遠倩得夢兒嬌

張

草

字石陽有
繡香集

生查子

秋怨

寒井下梧桐葉葉秋風繞何處寄相思月落燈殘了
淚界臉波紅夢怪巫山杳記得別郎時雞唱千林曉

南鄉子

芳草翠煙濃蕉葉零零夜雨中無數浮萍風皺轉情同
殘夢天涯斷遠鐘獨立在簾櫳雙燕新扶柳岸風颺

鵲衝寒花事晚
繁紅滴濕胭脂落幾叢

河滿子

中秋

月破秋寒灑背霜
沾露影侵床
玉笛幾聲今夜起
記來
曲子霓裳孤杵愁連
村落吹笳夢入瀟湘
鉛水瀉如
清淚江楓絢似紅粧
啼鴈半行蘆荻老
晶晶波下橫塘
往事思君一夜明朝
直欲迴腸

金菊對芙蓉

閨怨

寒漏初更枕函虛
冷惱來索性思量
見臨風敗葉月下
清光樽前恨滿孤帟
寂瀟陵路煙水茫茫
竹聲動處箇
人不見影到紗窗
空房幾遍回腸
想尋閒闌草遣悶

吟香奈燕儂鶯儘空誤年芳生盟念念猶難冷恹離別
屢變星霜最傷情是春花啼鵲秋雨鳴燈

明詞綜卷十

青浦王昶纂

張文秀一首

陸亮輔一首

裘律一首

唐世瀚一首

李伊玉一首

胡文煥一首

江廣一首

顧衆一首

喻綜一首

張仲立一首

倪撫一首

徐爾鉉一首

霍達一首

吳棫一首

郭輔畿一首

沈士鑣一首

沈鍾鶴

一首

陸釋麟

一首

梁木公

一首

秦公庸

一首

梁希聲

一首

吳莫勝

一首

陳琴溪

一首

張卿玉

一首

天隨子

一首

杜陵生

一首

無名氏

三首

釋涵初

一首

道源

一首

今釋

二首

一靈

八首

張無爲

一首

張文秀

見西湖志餘

念奴嬌

西湖

平湖秋霽見銀蟾光閃波紋搖綠天上飄來風韻細桂
子香生金粟玉戶玲瓏瑤臺皎潔影落嫦娥屋夜深雲
際一聲誰弄橫竹 醉倚六曲雕闌望中懸白練兩峰
垂瀑淨洗塵腸竊秀句一唾珠璣千斛更欲凌空鏗鏘
環珮仙駕驂鸞鵠鳳樓人遠獨憐不見秦玉

陸亮輔

字左臣

見蘭皋明詞

桃源憶故人

舟次瓜步懷徐姬石蓮

桃花碎影江如靛隔斷相思一半昨夜曾題紈扇鏡裏
蓮如面 無邊春草江南怨好夢被誰偷換柳外老鶯
啼遍報道看花晚

裴律

見西湖志餘

小重山

湖上春遊

山遶平湖鏡遶山
隄邊千樹柳綠
蓼蓼杏花嬌倚玉闌
干秦樓畔小鳥語
綿蠻紅粉試輕
紈笙歌吹畫舫漾
飛鸞酒旗撩亂
繫雕鞍春色暖
芳草弄晴灣

方文席

字我劬

見東白堂詞選

河滿子

客歸

簾下楊花似雪枕邊香
膩如雲爲我飄零
蹤不定幾年
獨自黃昏誰信
桃花依舊只留月
印重門鈿鎖龍膏
不煖繡殘鳳履
猶存日暮碧雲空
自合漫教燕語殷勤

簡得鮫綃紅淚今朝借作招魂

唐世瀚

字宗之

見歷代詩餘

攤破浣溪沙

初夏

寂寂閒庭雨乍晴
綠陰如幄午風輕
幾轉柳塘迷斷岸
野橋平
滿架薔薇花欲謝
趁風燕子掠浮萍
慵卧小窗驚喚醒
被流鶯

李伊玉

見歷代詩餘

惜分飛

握扇美人圖

花雨續紛迷小院
蓮步踏殘香片粉
汗搖桃扇輕紗微
露黃金釧
夕照山橫天一線
水影分光上面錦帶隨

風纏釵斜爲逐雙飛燕

胡文煥

見蘭皋明詞

一剪梅

秋感

雲葉銀牀落井柯
望斷關河腸斷關河年華冉冉去如梭
秋影婆娑鬢影婆娑
越女含情竹上歌
嬌斂雙蛾
愁斂雙蛾芭蕉冷語咽聲多
客裏風波夢裏風波

江廣

見蘭皋明詞

昭君怨

柳色

低映垂簾庭院蟬語不知深淺
斷續好風牽幾曾閒
侵晚翠筠同茜渾了雲山一片
欹影幾條妍夕陽邊

一顧衆

一作顧
同應

見蘭皋明詞

浪淘沙

閨思

生小弄冰鉉未撥先憐涇鶯嬌燕語春烟一點幽情傳
未得殘月窺簾 銅雀鎖嬋娟驚數流年小桃窗下背
花眠誰唱西陵腸斷句夢到君邊

喻綜

見歷代詩餘

南浦

滕王閣懷古

天高氣爽看平楚落葉動秋聲南國驚霜征雁帶影下
寒城漠漠輕舟過雨濕帆飛遠幾點微星更蕭條鴉集
陌頭衰柳殘照萬峯青 瑟瑟江城染練從前何事不

凝情日月銷磨今古不見舊旗旌青雀黃龍何在也堪
除惟有樹長生嘆去來月上欄杆空際水波明

張仲立

見蘭皋明詞

浣溪沙

題情

淺束深粧最可憐明眸玉立更娟娟
撩人多在夜燈前
旖旎海棠初着雨飄飄江柳乍含烟
倚窗一樣受春妍

倪

撫字曼
倩

見蘭皋明詞

菩薩蠻

送春

年年白放春歸去無端又是風和雨
倦態不成妝春宵

恨轉長 一燈紅夜午城上聞更鼓魚鑰鎖雙扉愁他
夢裏歸

徐爾鉉

字核庵

現蘭皋明詞

臨江仙

春盡

春光不奈人煩惱夜來也動歸心輕紗敲雨濕窗明風
多花有恨林暗蝶無情竹杖閒携隨徑去斜陽一派
松聲茶旗酒陣破愁城借雲邀片月倩鳥喚新晴

霍

達

字魯齋

見蘭皋明詞

意難忘

雨夜

雨顫風搖正百花時候夜截春梢挑燈驚鼠夢拭淚掩

殺綃釵鈿冷珮環遙玉鑑遠山消更可憐心香燼夜幼
子啼宵 當年攜手遊遨似丁香心展芭蕉尋花纔減
繡話雨暗添膏思往事付春潮賺殺舊魂飄誓今生夢
長睡短暮暮朝朝

吳

楨

字永錫

見歷代詩餘

西江月

秋泛

極目烟波渺渺停舟楊柳家家櫓聲咿軋戰風鴉寂寞
寒潮西下 呼我埽愁紅友看殘籬畔黃化人生適志
不須他竹屋蓬窗聊且

郭輔畿

字咨署

見蘭皋明詞

浣溪沙

春閨

海比相思尚有涯，輕寒羃地惱情懷。
羞看孤影鏡慵揩。
戲向海棠花下過，惹他珠露濕羅鞋。
摘雙梅子戴金釵。

沈士鑛

字寶臣

見歷代詩餘

鵲橋仙

漁父

澄潭集網寒江垂綫，雪白鱸魚成串。
西風吹送酒花香，促步向壚頭索換。
竹篙枕月蓑衣遮面，一曲滄浪天半。
乾坤水上最清閒，也白分烟波占斷。

沈鍾鶴

字同庵

見歷代詩餘

虞美人 春雨

春光九十誰分取，斷送晨昏雨。
桃花和淚濕臙脂，檢點殘紅一半未開時。
長空擬把愁雲掃，如夢渾難曉。
柔腸不斷却迴環，咫尺相思人隔萬重山。

陸釋麟

字聖彌

見歷代詩餘

八聲甘州 曉發

曉風清灩灩，待潮生潮落始行舟。
正雞聲茅店，孤城斷角，欹枕悠悠。
偶爾掀篷一笑，起舞也風流。
問誰人領取，此景清幽。
極目長空杳靄，但寒烟衰草，江練明樓。
羨雙雙白羽，天水共沉浮。
待乘桴漸窮湖海，莫思量錦纜。

與鳴騶孤蒲裏烟波釣叟分付盟鷗

梁木公

見草堂新集

蝶戀花

春景

野草含烟鋪紫陌海燕來時芳徑多疑碧影月低枝漸
漸側惜花微雨輕輕滴靜掩朱扉春院寂芍藥欄邊
一作開時睡起嬌無力宿鳥不須尋比翼有人獨倚閒亭北

秦公庸

見草堂新集

卜算子

憶昔

憶昔約佳期花月爲盟主共對花前月下時幽恨從頭
數拜月月無言問花花不語月轉闌干花卸枝雙淚

多於雨

梁希聲

見草堂新集

浣溪沙

清明

滿徑殘花襯履行
暖風吹颺薄羅輕
綠楊拖覆小橋橫
日午繡簾酣睡燕
雨餘芳樹嘯流鶯
暮春天氣更關情

吳莫勝

見草堂新集

浣溪沙

春閨

午夢誰驚樹影搖
玉樓人倦倚紅綃
遊絲繫滿杏花梢
蜂逐窗櫺迷去路
燕尋壘草未歸巢
風箏線斷傍雲

高

陳琴溪

見草堂新集

漁家傲

蕩漾明波晴晝永
淡烟疎柳湖邊景
一葉水雲深處艇
天未暝
片帆掛破殘陽影
篷背落霞人半醒
溶溶千頃搖金鏡
繡被還愁添暮冷
風不定
蘆花飛滿雙吟髻

張卿玉

見詩餘辭

青門引

水曲紅波冷
幾樹小桃搖影
憐春情性未分
明天台人
近一線香風引
青陽踏破芳魂醒
十二欄杆靜
口脂

紅印鸚鵡窗前難數春歸恨

天隨子

見蘭皋明詞

南鄉子

華亭弔古

風雨滿長亭鶴唳灘頭夢未平故國王孫何處去傷情
煙月空濛白苧城往事恨飄零江上青山雲自橫聞
說蓴鱸秋更好淒清漫憶風流張步兵

杜陵生

見蘭皋明詞

南歌子

塞上

草煖鴛鴦泊沙寒雞鹿城蘆管一聲聲故鄉千里月夢

難成

無名氏

見詩餘醉

踏莎行

香罷宵熏花孤晝賞粉牆一丈愁千丈多情春夢苦拋人尋郎夜夜離羅幌好句刊心佳期束想纔愁春到還愁往銷魂細柳一時垂斷腸芳草連天長

又

佳約偏乖韶華難駐柳絲點點江頭樹朝來爲甚不鈎簾殘花飛滿簾前路春賞纔闌春歸何遽問春歸向何方去有情燕子不同歸呢喃獨伴春愁住

臨江仙

昨夜驚眠梅雨大枕前窗上頻敲天明翻覺夢魂遙起
來看女伴熏袖半香消雲鎖房櫳煙鎖竹捲簾微溼
鰕綃菱花低照映眉梢玉梳雲髮潤不喜上蘭膏

涵初

柳梢青

咏螢

碧燄疎篁斜飛秋水輕點蓮香忽影風簷半明苔壁又
入繩床夜深露冷清光度殘月亂點蒼茫羅幌眠雲
松窗幽磬心地空涼

道

源

字石林常熟破山
寺僧有寄巢集

浣溪沙

寄衍公

故侶湖南不肯歸
水洲貪看野鳬飛
竹房辜負綠蕉肥
鱸冷博山清話囑
簾開湘水倦眠稀
信音莫待寄秋衣

今

釋

字澹歸
杭州人

小重山

得程民部詩却寄

落落寒雲曉不流
是誰能寄語竹窗幽
遠懷如畫一天
秋鐘徐歇獨自倚層樓
點點鬢霜稠
十年山水夢未
全收
相期人在別峯頭
鷗意煙雨又扁舟

八聲甘州

留別阿字無兄

歡離情一往一重來
可似海門潮
已千秋期許十年建

立兩地憂勞又道如形伴影彼此不容招底事扁舟上
回首迢迢待向梅關北去倩賓鴻寄語雲濶天高想
聞聲欲下轉眼失鴛鴦更有時連床續夢怕冰霜折斷
歲寒梢晨鐘起添些風雨相助蕭蕭

一 靈

滿庭芳

蒲城惜別

金粟堆邊冰蒲水畔紫駟迢遞迎來月中驚見光艷似
雲開桑落霑脣半醉將長笛弄向秦臺天明去鞭揮岸
曲愁殺渡人催徘徊空歎息桃花易嫁鳳子難媒和
香雨氤氲飛作塵埃墜井銀瓶永絕誰復取僊渡盈杯

應知爾三春繡閣幽寂委蒼苔

浪淘沙

春草

嫩綠似羅裊寸寸銷魂春心抽盡爲王孫不分東風吹
漸老色映黃昏蝴蝶不留痕飛過煙村紅藏幾點落
花魂雨過苔邊人不見濕欲生雲

一落索

杜宇催春從汝莫催人去人留卽是好春留更一任風
和雨怕見遊絲飛絮爲伊無主落花爭似淚花紅只
滴在分襟處

離亭燕

漸到鷓鴣多處愁作一天風雨芳草可憐千萬里長共
夕陽無主且莫返鄉關已有斷魂飛去雲際片帆難
駐江上一竿誰許空妬白鷗來復往笑我飄零倦羽掩
淚似春山終日濛濛洲渚

調笑令

芳草芳草生向江邊太早連天一片春愁不管王孫淚
流流淚流淚點點桃花吹墜

江城梅花引

黃花和我滿頭霜怕重陽又重陽不分早梅還與鬪寒
香老去看花如霧裏被花惱一枝枝總斷腸斷腸斷

腸苦參商夜已長
天已涼一葉一葉落不盡悲似瀟湘
那得羅浮清夢到蘭房
明月笑人眠太早飛去也影徘徊
尙半牀

摸魚兒

與友人別

放蘭舟溯江西上渺茫雲樹何處天涯相見頻相別同
作水邊風絮春欲去恨故苑鶯花總付煙和雨離情罷
訴教夜半啼鵲聲聲向月爲寫此愁苦思重會定在
吳閶古渡吹簫城下應許英雄失路皆無策漸使浣紗
憐汝君莫取鴻鵠在他時自有凌霄羽功名糞土且滿
酌霜醪還携漁艇共醉白蘋渚

張無爲

嗣漢四十三代天師有峴泉集詞附

風入松

和虞學士韻

江城淹病酒難酣疎髩訝朝簪暑消已覺秋光遍紅塵
遠斜日回驂蕙帳累留殘宿青霜猶濕春衫春淮潮
定碧如藍歸燕息呢喃白雲幃幔寒偏早更誰問雁字
魚緘早晚棹聲歸也黃花白酒村南

明詞綜卷十

明詞綜卷十一

青浦王昶纂

黃氏一首

劉碧一首

端淑卿一首

顧文婉三首

袁彤芳一首

王鳳嫻二首

陸卿子二首

龍輔一首

徐媛一首

張鴻述一首

瞿寄安一首

朱盛藻一首

沈宜修五首

張倩倩一首

葉小紉一首

沈憲英一首

項蘭貞

一首

簡景蘭

一首

李玉照

一首

葉純純

二首

葉小鸞

七首

沈靜專

一首

儲氏

一首

申蕙

一首

張嫺倩

一首

歸淑芬

一首

吳綃

一首

顧道善

一首

謝季蘭

一首

陳氏

一首

張引元

一首

王朗

一首

吳山

一首

龐蕙穰

一首

沈素嘉

一首

徐元端

二首

周蘭秀 一首

武氏 一首

翁孺安 一首

李端卿 一首

黃

氏

遂安人
楊慎室

晚香堂清語升庵夫人黃氏寄外詩有曰歸
日歸愁歲暮其雨其雨怨朝陽之句傳誦人
口又有滿庭芳巫山一段雲諸詞皆爲雅麗
或比之趙松雪管夫人然管工畫竹耳詩詞
鄙俚不及黃遠矣

巫山一段雲

巫女朝朝豔楊妃夜夜嬌行雲無力困纖腰媚眼暈紅
潮阿母梳雲髻檀郎整翠翹起來羅襪步蘭苕一見
又魂銷

劉

碧

字映清
安陸人

浪淘沙

新秋

昨夜雨綿綿寒澀燈煙薄衾倦擁不成眠曉起床頭看
歷日換了秋天 桐樹小庭偏碧蔭爭圓教他知道也
凄然最是西風消息早一葉堦前

端淑卿

當塗人教諭廷卿女
歸芮氏有緣宿詩稿

阮郎歸

園林春到清明節花柳愁攀折人生何事輕離別水遠
山重疊 杜宇啼殘更月銀缸照明滅昨宵有夢輕飛
蝶關心猶未說

顧文婉

自號避秦人無錫人

浣溪沙

風雨妨春苦不寬
開簾怕見嫩紅殘
錦屏深護早春寒
新嬾一身扶不起
愁痕萬點鏡慵看
空拈斑管寫長歎

又

曉日凝粧上翠樓
惱人春色遍枝頭
湘簾風細蕩銀鈎
燕子未歸寒惻惻
梅花初落恨悠悠
重門深鎖一天愁

西樓子

初月

雕闌漫倚凝眸月如鉤一段晚香薄霧織成愁
懷人意思鄉味幾時休除是夢中暫借廣寒遊

袁彤芳

字履貞吳縣人
自稱廣寒仙客

長相思

風滿樓月滿樓月白風清動客愁征鴻聲且留
燈半篝香半篝燈燼香沉殘夢悠歸舟天盡頭

王鳳嫻

字瑞卿江南華亭人進士
張本嘉室有貫珠集

浣溪沙

郊行

曲徑新篁野草香隨風閃閃蝶衣忙柳綿飛墮點衣裳
人在鏡中憐影瘦燕翻波面舞春長小橋古渡半斜

陽

臨江仙

珠簾不卷銀蟾透夜涼獨自憑闌瑤琴欲整指生寒鶴
歸松露冷人靜井梧殘天際一聲新度雁翱翔似覓
回灘浮生幾見幾多歡三秋今已半楓葉醉林丹

陸卿子

長洲人尚寶卿師道女太倉
趙宦光室有元芝考槃二集

憶秦娥

感舊

砧聲咽梅花夢斷紗窗月紗窗月半枝疎影一簾淒切
心前舊願難重說花飛春老流鶯絕流鶯絕今宵試
問幾人離別

畫堂春

晴空煙裊柳絲微亂紅風定猶飛杏花零落燕空歸門外鴉啼
慵病不禁寬帶諱愁無那尖眉香消斜倚畫屏時此恨誰知

龍

輔湖廣人有女紅餘志

相見懽

黃鸝啄下紅櫻曲闌晴笑取泥金小扇撲蜻蜓
牽得住推不去是春情多少柔腸囑付護花鈴

徐

媛字小淑吳縣人范允臨室有絳緯吟

霜天曉角

采石磯蛾眉亭

雙峰鬪碧寒玉橫秋壁兩道彎環天際凝無限青螺色
斷岸濤聲急似奏臨邛瑟鸞鏡綠窗人去惟留取春
山跡

張鴻述

字琴友慈谿人姚與祁室有清音詞

孫蕙媛云每有廢咏意到即成不煩推敲聲出金石

點絳脣

與馮太君話舊

相見空憐許多心事難傳與不如歸去又被黃昏雨

明月多情還照橫塘路添愁緒幽閨深處重憶連床語

瞿寄安

韓敬室

長相思

寄于夫人

朝含顰暮含顰風動疎簾疑是君相思欲斷覓 試羅
袂羅袂鴛瓦霜飛病又新天涯兩地人

朱盛藻

字環襲黃州人楚宗女

蜨戀花

柳影

永日三眠顰較嫵困態初舒莫遣紅妝妬自有明珠生
遠浦舞低恍向樓心覷拂地長條誰是主露下芙蓉
只恐難留住好趁煙光凝地護交枝漫鎖長門路

沈宜修

字宛君吳江人葉紹袁室

浣溪沙

淡薄輕陰拾翠天細腰柔似柳飛綿吹簾閒向畫屏前

一詩句半緣芳草斷鳥啼多爲杏花殘夜寒紅露濕秋
千

虞美人 立春

東風已上堤邊柳雪意還依舊畫羅綵勝學裁新不道
閑愁又送一番春 年華只是侵雪鬢花信何由問待
看雙燕幾時來猶憶杏花長對月徘徊

浣溪沙

侍女隨春羞作嬌態之態諸女咏之余亦
戲作

袖惹飛煙綠髻輕翠裙拖出粉雲屏飄殘柳絮未知情
千喚嬾回伴看蝶半含嬌雨恰如鶯墮人無賴惱秦

箏

如夢令

蕭瑟西風初動，又是一番涼。
送燈蕊，小窗斜往，事不堪。
新夢愁重，愁重，縷短銀屏，水凍。

望江南

暮秋

河畔草一望盡，妻迷金勒不嘶新。
寂寞青袍難覓舊，歲
裏野燒又風吹。
蝴蝶去，何處問歸期。
一架鞦韆寒月老，滿庭鴉鵲故園非。
空自怨，妻妻。

張倩倩

吳江人沈自象室

蝶戀花

丙寅寒夜與宛君話君庸作

漠漠輕陰籠竹院，細雨無情，淚濕桃花面。
落葉西風吹

不斷長溝流盡殘紅片
千徧相思纔夜半又聽樓前
叫過傷心雁不恨天涯人去遠
三生緣薄吹簫伴

葉小紈

字蕙綢吳江人
同邑沈永祿室

浣溪沙

爲侍女隨春作

髻薄金釵半彈輕佻羞微笑
隱湘屏嫩紅染面太多情
長怨曲闌看門鵬慣嗔南陌聽啼鶯
月明簾下理瑤
箏

沈憲英

字惠思
吳江人

點絳脣

憶瓊章姊

簾外輕寒謝娘風絮無人見
桃花如面腸斷春歸燕

人去瑤臺祇覺東風賤
湘簾卷綠楊千線
煙鎖深深院

項蘭貞

字孟曉秀水人黃卯錫室有裁雲月露二草

攤破浣溪沙

浙浙寒風撼玉鉤
起來斜日照紅樓
簾外一聲鸚鵡喚
喚梳頭
花發小春情脉脉
笛吹長夜恨悠悠
多少淚珠彈不斷
倩誰收

商景蘭

字媚生會稽人祁彪佳室

搗練子

長相思
久離別
爲誰憔悴憑誰說
卷簾貪看月
明多斜

風恰打銀缸滅

李玉照

會稽人吳江沈自徵繼室

漁歌子

愁思縈懷懶賦詩
黃昏深院月來遲
人靜處漏殘時
一片幽情祇自知

葉紈紈

字昭齊吳江人葉紹袁女有愁言

蝶戀花

盡日重簾垂不捲
庭院蕭條已是秋光半
一片閑愁難
自遣空憐鏡裏年華換
寂寞香殘門半掩
脉脉無端
往事思量遍
正是銷魂腸欲斷
數聲新雁南樓晚

浣溪沙

幾日輕寒懶上樓，重簾低控小銀鈎。
東風深鎖一窗幽。
晝永香消春寂寂，夢殘燭跋思悠悠。
近來長自只知愁。

葉小鸞

字暖章，吳江人。崑山張立平聘室，有返生香。

鍾玉樵云：小鸞父仲韶，風神雅令，工六朝駢體，同沈宜人、宛君偕隱汾湖，與子女刻意詩詞，以自娛樂。小鸞生十歲，能韻語，秋夜仲韶命以句云：桂寒清露濕，卽對曰：楓冷亂紅彫。是時以爲天折之徵，及未婚而歿，見有五彩雲捧足而去。知前身爲縱嶺女仙，今當歸月府，適有冥中北邱尼智泐傳天台教起，無葉堂以收女士慧業而早亡者，小鸞從之泐師審戒，信口答應如研香製就，夫人字銀雪吟，成功婦詞凡十餘聯，皆晚唐名句也。泐師留。

之堂中與姊昭齊薰習梵行所存詩詞皆似
不食人間烟火者

南歌子

門掩瑤琴靜窗消畫卷閒
卷庭香霧遶闌干一帶淡煙
紅樹隔樓看雲散青天瘦
風來翠袖寒嫦娥眉又小
檀轡照得滿階花影只難攀

虞美人

燈

深深一點紅光小
薄縷微煙裊錦屏斜背漢宮中
曾照阿嬌金屋淚痕濃
朦朧穗落輕煙散顧影渾無伴
香消午夜漫凝思
恰似去年秋夜雨窗時

點絳脣

新柳垂條困人天氣簾慵捲瘦寬金釧珠淚流妝面
凝佇憑闌忽覩雙飛燕閑愁倦黛眉淺淡誰畫青山遠
浣溪沙

紅袖香濃日上初幾番無力倩風扶綠窗時掩悶妝梳
一晌多慵嫌刺繡近來聊喜學臨書鳥啼春困落花
疎

又

幾日東風倚畫樓碧天清靄半空浮韶光多半杏梢頭
垂柳有情留夕照飛花無計却春愁但憑天氣困人
休

又

曲曲闌干遶樹遮半庭花影帶簾斜又看暝色入窗紗
樓外遠山橫寶髻天邊明月伴菱花空教芳草怨年
華

又

曲榭鶯啼翠影重紅妝春惱淡芳容疎香滿院閉簾櫳
流水畫橋愁落日飛花飄絮怨東風不禁憔悴一春
中

謁金門

情脉脉簾捲西風爭入漫倚危樓窺遠色晚山留落日

芳樹重重疑碧影，浸澄波欲濕人向暮煙深處憶繡裙愁獨立。

沈靜專

字曼君宜修妹歸吳氏有適適草

蝶戀花

咏蝶

舞向低檐依嫩綠，翠冷天涯影斷吹愁續。幻就雲衣飛態足，粉煙浥露枝頭浴。風動猶疑翻紫玉，引得佳人誤入花陰撲。靜斂香鬚還自宿，蜂媒覓伴仍相促。

儲

氏

泰州人興化成某室

浣溪沙

紫燕雙雙遶畫梁，重重朱戶鎖斜陽。閑來獨坐繡鴛鴦。

芳草盈堦侵砌綠落花滿院隔簾香空庭寂寞日偏長

申

蕙

字蘭芳長洲人嘉興沈某室有縫雲集

長相思

月滿衣葉滿衣玉漏初停銀漢低砧聲到竹扉事已
非人已非滿目淒涼何日歸雁沉夢又稀

張嫺倩

字蓼山廬州人有蕉窗逸韻

菩薩蠻

連城山房

風捲落花愁不歇枝頭燕剪裁桃葉花氣沁簾香遊絲
掛綠窗蕉青鸞翅影草碧龍鬚冷無語對瑤琴閑花

落膽瓶

歸淑芬

字素英嘉興人許某室有雲和閣靜齋詩餘

東坡引

泛舟訪智令聞友

櫻桃紅已足日觀苔痕綠綸竿釣罷清溪曲一村桑落
熟一村桑落熟閒愁莫展翠蛾頻感強抱清琴對修
竹池邊有侶堪聯續山兒畫半幅山兒畫半幅

吳

綃

字冰仙長洲人常熟許文玉室有瑞雪菴稿

憶王孫

寒砧風急搗衣秋木落聲中人倚樓月午涼陰滿地愁
夢悠悠一夜江南千里舟

顧道善

字靜簾吳江人許季通室

滿江紅

移居叢莊有感

禾黍斜陽村皋外江霞飛滅回首去依稀風景繁華銷歇
沼冷鴛鴦荷碎雨臺荒廩鹿松搖月忽一聲野寺斷鐘過
疎籬缺清曉怨簾鉤揭王孫夢鷗啼竭問天涯何處銅仙金闕
猿鶴三秋淹短草風雲萬里悲高碣料明朝好鏡不相瞞霜侵髮

謝季蘭

字湘芷寧都人魏禧室

阮郎歸

秋夜

數盡更籌夢未成秋聲不忍聽起來且自剔殘燈誰家

玉笛聲 風纔定月初升清光漸漸生一行花影上窗
櫺動人無限情

陳氏

江南華亭人有梅龜吟

謁金門

春欲暮簾外落紅無數斜倚曲闌暉不語笑看雙燕舞
惆悵夜來風雨吹散滿城花絮一段夕陽留不住馬
嘶芳草去

張引元

字文殊江南華亭人楊安世室

點絳脣

苔母

細雨初晴暖風早入芭蕉院歸期日盼鬆盡黃金釧

墮葉井梧旋靜砌含英籬菊護低牆聲聲何處搗衣
忙

李端卿

錢塘人

謁金門

風乍暖樹底鶯聲欲嘯窗外小梅香數點枝頭春意淺
盡日畫屏獨掩閑却繡床金翦寶枕初回香夢遠亂
愁天不管

明詞綜卷十一

明詞綜卷十二

青浦王昶纂

韓知玘一首

吳彤一首

顧若璞一首

錢氏一首

郭璠一首

紀映淮一首

黃鴻一首

張紅橋一首

范妹一首

錢涓一首

馬守貞一首

劉勝一首

楊爰一首

薛素素一首

朱無瑕一首

王毓貞一首

白旂香 一首

趙燕 二首

馬如玉 一首

楊宛 三首

王微 四首

鄭妥 一首

陳冉 一首

花夢月 一首

景翩翩 一首

張婉 一首

朔朝霞 一首

王月 一首

冠皚如 一首

崔嫣然 一首

頓文 一首

王賽玉 一首

尹春 一首

呼舉 一首

沙宛在 一首

京師妓 一首

蘇世讓 一首

鎖懋堅 一首

王氏 一首

沈靜筠 一首

元妙洞天少女 一首

鄭婉娥 一首

翠微 一首

王秋英 一首

韓智珮 湖州人金壇于鑾室

浣溪沙 東瞿夫人

玉筋雙垂薄袖寒十離詩就背人看間愁贏得許多般
月轉空堦天欲曙香縈倦枕夢初闌相思一夜小梅
殘

吳 艸 號水蟾子江南華亭人曹某室

滿江紅

雨抹荷池添豔了。開紅稠綠更帶着牽魚藻鑑浮波鳧。
玉榴朶辭枝焚碧蘚。蟬聲送遠翻新曲。向幽軒一枕夢。
驚回風敲竹。絲雨霽輕涼足。殘照短纖紅續。漸雲遮。
津口煙黏山麓。涼月照人心似水。此身擬向清虛蹴。記。
廣寒庭畔素衣中曾相熟。

顧若璞

字知和錢唐人王
某室有卧月軒集

長相思

梅子青。豆子青。飛絮飄飄長短亭。風吹羅袖輕。
恨零星。語零星。正是春歸不忍聽。流鶯啼數聲。

錢

氏

湖州人都憲
唐世濟室

滿庭芳

古樹陰濃新篁翠淺乍陰過雨還晴方塘對岸留得小
紅英消受茶芽蕨笋皮几淨雲母窗明薰風至釣絲搖
曳無處立蜻蜓喜灌園君志辟纊吾職兩意相并把
當前好景直擬蓬瀛怎便塵勞盡謝長無事心境雙清
家園好藕花如錦波面想盈盈

郭

璠

字璠汝長洲
人顧某室

思帝鄉

紅燭冷碧釵留燭冷釵留人去恨悠悠拚得一分憔悴

明言集卷十二
一分愁試問眉間心上幾多愁

紀映淮

上元人

小重山

秋閨

蕭瑟幽閨更漏長
庭前叢桂發暗飄香
月明露白漸生涼
輕風起時拂鬱金裳
遠雁一行行
相看還竚立怯空房
幽懷幾許總難量
蘭缸炮花影欲窺窗

黃

鴻

字鴻鵠錢塘人有廣寒集

蝶戀花

着意留春春不許
一陣東風吹落花
無數記取等閒花落處
重游恰是桃源路
門外青絲垂日暮
偏惹離腸

不繫征帆住兩兩畫梁新燕語雙飛又入花間去

張紅橋

閩縣人居紅橋之西因自號紅橋後歸福清林鴻

詞約云紅橋雅麗能詩豪右委禽皆不納長樂王儁有詩名亦拒之及鴻托鄰媼投以絕句云桂殿焚香酒半醒露華如水點銀屏含情欲訴心中事羞見牽牛織女星紅橋荅云梨花寂寂閨嬋娟銀漢斜臨繡戶前自愛焚香消永夜從來無事訴青天遂締婚焉相與唱和詩甚數後鴻適金陵作大江東去一闕留連惜別又明年鴻自金陵寄摸魚兒一闕絕句四首張自鴻去後獨坐小樓顧影欲絕及見鴻詩詞感念成疾不數月而卒惜其詞傳者絕少

念奴嬌

鳳凰山下恨聲聲玉漏今宵易歇三疊陽關歌未竟城

上栖烏催別一縷情絲兩行清淚漬透千重鐵重來休
問尊前已是愁絕還憶浴罷描眉夢回携手踏碎花
間月謾道胸前懷荳蔻今日總成虛設桃葉津頭莫愁
湖畔遠樹雲煙疊剪燈簾幕相思誰與同說

范

妹

字洛仙如皋人有貫月舫集

浣溪沙

月夜懷延公

庭竹瀟瀟弄晚風月光如洗露華濃瑤階花影自重重
非愛良宵清不寐因憐歸燕思無窮夜深獨倚畫樓
東

錢

涓

字獎文嘉興人有抱雲吟

秋波媚

芙蓉

艷質誰教託夢洲。寂莫更誰儔。半竿落日，幾行征雁，一葉歸舟。
那堪風雨頻相妬，紅粉逐波流。深深綺閣，盈盈羅帳，多少清愁。

馬守貞

字月嬌號泥蘭金陵妓

蜨戀花

天香館寄陳湖山

陣陣東風花作雨。人在高樓綠水斜陽暮。芳年垂楊新燕羽。湘煙翦破來時路。
腸斷蕭郎紙上句。深院啼鶯掠亂春情緒。一點幽懷誰共語。紅絨繡上羅裙去。

劉勝

見青樓韻語

蘇幕遮

恨桃花憎柳絮何事春來浪逐東風去邂逅從君花下
語無那情痴夢裏還凝佇 楚臺風巫峽雨暮暮朝朝
無計重相遇背處偷彈雙玉筍自笑多情翻爲多情悞

楊炎

字玉香
金陵妓

詞苑叢談閩人林景清過金陵與院妓楊玉
香狎許終身焉臨別賦鵲鴝天一闕云八字
嬌娥恨不開陽臺今作望夫臺月方好處人
相別潮水半時饒已催顰眉付莫疑猜蓬壺
有路去還來麤麤一樹垂絲柳休傍他人門
戶栽遂與訣別後五六年再訪之則玉香死
矣

如夢令

新綠釀成楊柳簾卷和風微透獨坐抱雲和香篆暗消
金獸回首回首花事春光依舊

薛素素

蘇州妓

臨江仙

喚起提壺池上飲春殘滿地紅英忽聞牆外子規聲不
如歸去也終是不分明 自抱雲和彈一曲曲終還擬
湘靈風前淚眼幾時晴月高星數點香冷漏三更

朱無瑕

字泰玉
金陵妓

卜算子

梧葉薦新涼好夢欺人短數盡銅壺漏更長別院砧聲

遠疎雨滴芭蕉腸被西風斷何處寒蛩哀雁中蘆管
吟秋怨

王毓貞

字月妹
揚州妓

如夢令

月影被花搖碎掩映隔簾紅袂倚醉殢春嬌彷彿滿頭
珠翠難記難記人在畫屏秋水

白旂香

字西來
嘉定妓

山花子

一桁垂楊拂畫橈碧桃花外泛輕舸六曲紋窗春水碧
赤闌橋綠酒紅燈風細細碧天明月夜迢迢何事春

來頻載酒聽吹簫

趙

燕

字彩姬
金陵妓

憶王孫

東風惡劣打殘紅
簾幙輕陰漾碧空
倚薰籠
夢斷香消
寶鴨中

長相思

寄張幼于

去悠悠
意悠悠
水遠山長無盡頭
相思何日休
見春
愁對春羞
日日春江認去舟
含情空倚樓

馬如玉

字楚嶼
金陵妓

鳳凰臺上憶吹簫

清夜無眠湘簾不捲瀟瀟雨打蕉窗聽秋聲幾點滴碎
秋腸望斷天涯芳訊人寂寞偏覺更長燈花落枕屏斜
倚睡鳴銷香 思量舊歡團扇只等閑拋却塵冷蘭房
數樓頭征雁影去瀟湘隔院吹來玉笛聲幽咽漸入伊
涼桐葉響金風陣陣寒透羅裳

楊

宛

字宛叔
金陵妓

古今詞話宛叔能詩善草書與草衣道人王
修微爲女兄弟有金人捧露盤咏秋海棠云
記春光繁華日萬花張正李哀桃謝奴奴儂
家姊妹妖枝飽蕊笑東風薄情曾共春光去
惆悵庭空到如今餘瘦影空掩映夕陽中珠
露點試沐新紅斷腸何處含芳飲韻綺窗東
好秋誰占小池畔休放芙蓉

太平時

嫋嫋疎枝帶露輕
隔簾櫺絲絲牽綴
別離情最難勝
幽恨祇憑羌管訴
調淒清臨風半是
斷腸聲不堪聽

浪淘沙

海棠

盡日若含愁
別樣嬌羞
晚涼香散上簾鉤
帶露摘來斜插
鬢一段風流
蛩語玉階幽
又是深秋相携閒
對小妝樓
不解斷腸伊似我
我似伊否

王

微

字修微揚州妓
白號草衣道人

竹窗詞選王修微初爲青樓後爲黃冠詞集
甚富皆言情之作多有俳調施子野云修
微色藝雙絕尤長于詩詞適從性風齋聞其
名見憶秦娥一章有多情月偷雲出照無情

別之句風流蘊藉不減李清照明日入東
見修微于眉山莊之喜庵方據案作字逸
韻可掬相與談笑者久之日西別去此情依
依因用其調他日相見拈出作一話頭耳
周勒由云修微本籍華亭來往竹西陳仲醇
施子野極賞其才調而雅致清高常謁慈山
大師于匡廬題詩石壁上爲白雲捲去時許
希事塔卿爲東林名人負重望修微依之以
老

如夢令

懷譚友夏

月到閒庭如畫修竹長廊依舊對影黯無言欲道別來
清瘦春驟春驟風底落紅悵悵

搗練子

心縷縷愁躑躑紅顏可逐春歸去夢中猶殢惜花心醒

來又聽催花雨

憶秦娥

多情月偷雲出照無情別無情別清輝無奈暫圓常缺
傷心好對西湖說湖光如夢湖流咽湖流咽離愁燈
畔乍明還滅

鄭

妥

一名如英字
無美金陵妓

浪淘沙

日午倦梳頭風靜簾鉤一窗花影擁香篝試問別來多
少恨江水悠悠新燕語春秋淚濕羅襦何時重話水
邊樓夢到天涯芳草暮不見歸舟

明言卷十二
陳冉

字月素
金陵妓

賣花聲

愁壓遠山低此恨誰知吳綾淺碧濕胭脂無限秋光憔悴意殘葉疎枝
多病損腰肢檀袖雙垂紗窗月上影遲遲漏冷蓮花人靜也寒雁來時

花夢月

字紅兒
金陵妓

浣溪沙

梳罷鳴蟬淺畫眉習池香鴨篆煙遲一窗日影到呆兒
只說頻來桃葉渡不期猶隔柳花堤數聲風外轉春

鷓鴣

景翩翩

字三妹
建昌妓

憶秦娥

秋蕭索西風一夜吹香閣吹香閣挑燈獨坐半垂簾幕
滿階明月梧桐落滿窗涼露吳衫薄吳衫薄菱花閑
對髮雲斜掠

張

婉

字婉仙松江
妓有效顰吟

如夢令

陌上鶯啼綠柳樓上花飛寶瑟晴日晚春天晝篋香消
荳蔻消瘦消瘦又是斷腸時候

朔朝霞

字曙光金陵
妓有紅于詞

桂殿秋

秦淮渡碧波流冷月斜明花外樓仙人掌滿金莖露桂

子香寒玉殿秋

王

月

字微波
金陵妓

破陣子

宮粉香消睡鴨仙衣塵滿紅絨寂寞畫屏春月白冷淡
花裯夜燭紅誰家玉笛風

冠體如

字貞素金陵妓
有遜雪堂集

覬繡毬

柳外裊晴絲正晴日遲遲停午牆頭曾見去年携手花

前欵語爲伊忘却繡窗鸚鵡 不奈韶光如許對簾箔
幾回凝竚綠酒銀燈甚時歡聚歸來燕子休遲到畫橋
飛絮

崔嫣然

字重文金陵妓
有幻影閣集

謁金門

風蕭瑟遠聽寒砧聲急應念征鴻無信息夜涼吹玉笛
幾許紅樓岑寂夢斷楚江蘭澤明月梧桐清露滴暗
蛩吟敗壁

頓

文 字少文金陵妓
有翠擁樓詞

點絳脣

明言卷十一
纔長芭蕉碧紗窗外風和雨聲聲杜宇不解留春住

欲問春光此日歸何處春無語亂紅流去兩岸楊花絮

王寶玉

字儒卿
金陵妓

點絳脣

水院粧殘桐陰滿地新涼夜湘簾輕下牆角疎更打

漸近黃昏明月移花榭愁偏惹珮環休卸繡鴨熏香麝

尹

春

字子春
金陵妓

醉春風

池上殘荷盡籬下黃花嫩重陽還有幾多時近近曾
記舊年那人索句評香閣茗望斷蕭郎信懶去勻官

粉蝦鬚簾外晚風生陣陣雙袖生寒一燈明滅博山香燼

呼

舉

字文如
江夏妓

玉樓春

夜坐

一燈半滅愁無數河畔清蟾涼印戶閒庭細草亂蛩鳴
似共離人分泣露玉樓遙隔湘江浦黯黯離魂尋得
去秋鐘夜半遠隨風短夢驚回忘去路

沙苑在

字嫩兒
金陵妓

醉花陰

翡翠樓頭風幾陣斷送殘紅盡薄暮掩羅幃睡鴨香寒

冷却沉檀印 夢回寶枕垂雲鬢愁壓蛾彎損窗外雨
聲疎響入芭蕉又是黃梅信

京師妓

瑞鷓鴣

少年曾侍漢梁王濯錦江邊醉幾場拂石坐來衫袖冷
踏花歸去馬蹄香 當初酒釵寧辭滿今日閒愁不易
當暗想勝遊還似夢芙蓉城下水茫茫

蘇世讓

朝鮮人

憶王孫

和薛萃軒副使

無端花絮曉隨風送盡春歸我又東雨後嵐光翠欲濃

寄征鴻家在千山萬柳中

鎖愁堅

西域人

詞品鎖愁堅西域人善吟咏成化間游苕城
朱文理座間索賦其家假山懸壑賦沉醉東
風一闋云風過處香生浣宇雨收時翠濕琴
書移來小朵峯幻出天然越倚闌干盡日披
圖漫說蓬萊本是虛只此是神仙洞府爲一
時所稱

菩薩蠻

送春

曉鐘纔到春偏度一番日永傷遲暮誰送斷腸聲黃鸝
知客情山光青黛濕仍帶傷春泣綠酒瀉杯心卷簾
空抱琴

王氏

亂仙

見沈直修伊人思

秋波媚

流水東回憶故秋疎雨滴更愁雁來楚峽風淒江渚瘦
損輕柔 誰憐絕世嬌憨在斜倚小粧樓慵窺寶鏡淚
懸情眼恨鎖眉頭

沈靜筠

凡仙

林下詞選吳江女士沈玉霞名靜筠呂元洲
室沒後降乩作鷓鴣天一闕云云

鷓鴣天

一片春光遍九宵這回風月也全消重來繡閣吟殘句
不數綵山弄玉簫 身外事等閒拋萬層雲路碧迢迢
香南雪北何由見直比人間午夢遙

元妙洞天少女

詞統元之夢遊仙詞序云夏夜倦寢神遊異境榜曰元妙洞天見少女獨立朗然歌謠金門云云歌竟命侍兒傳語曰與君有緣今時未至請辭遂翻然而醒

謁金門

閨情

真堪惜錦帳夜長虛擲挑罷銀燈情脉脉繡花無氣力
女伴聲停刀尺蟋蟀爭吟四壁自起捲簾窺夜色天
青星欲滴

鄭婉娥

女鬼

詞苑叢談吳江沈韶洪武初登琵琶亭月下聞歌聲明日復往見一麗人曰妾僞漢婕妤鄭婉娥死葬于亭側爲沈歌念奴嬌曰昨夜郎所聞也

念奴嬌

離離禾黍嘆江山似舊英雄塵土石馬銅駝荊棘裏閨
遍幾番寒暑劍戟灰飛旌旗烏散底處尋樓船暗鳴叱
咤只今猶說西楚憔悴玉帳虞兮燈前掩淚雙鬢流
紅雨鳳輦羊車行不返九曲愁腸漫苦梅癭凝粧楊花
翻雪回首成終古翠螺青黛絳仙慵畫眉嫵

翠微

女鬼

詞苑叢談嘉靖初情河邱生泊舟江陵有一
女子自稱兩淮運使何公之妾翠微引生至
一亭就枕臨別賦詞云云明日視之乃其墓
也

憶秦娥

楊枝裊恩情無限天將曉天將曉漏窮難喚教人煩惱
郵亭一夜風流少匆匆後會應難保應難保最傷情
處殘雲風掃

王秋英

女鬼

詞苑叢談福清諸生韓夢雲嘉靖甲子過石
湖山遇一女子自稱楚人王秋英從父德育
宦閩遇寇石湖山投壘而死

瀟湘逢故人慢

春光將暮見嫩柳拖煙嬌花染霧頃刻間風雨把堂上
深恩閨中遺事鑽火留錫都付却落花飛絮又何心拏
榼提壺鬪草踏青盈路子規啼蝴蝶舞遍南北山頭

明言卷十二
紙錢綠醕奠一邱黃土歎海角飄零湘陰淒楚無主泉
扁也能得有情雞黍畫角聲吹落梅花又帶離愁歸去

明詞綜卷十二